

System Adrodd Genedlaethol y Gweithlu Cymru ([WNWRS](#))

Lawrlwythiad Data 30 Medi 2022

Diolch i'r holl bractisiau sydd wedi dilysu a diweddarau eu data ar System Adrodd Genedlaethol y Gweithlu (WNWRS) cyn y lawrlwythiad data nesaf ar 30/09/2022. Os nad ydych wedi gwneud hynny eisoes, ewch i wefan WNWRS:

<https://www.nwrs.wales.nhs.uk/welsh/>

a gwirio bod cofnodion staff eich Practis yn adlewyrchiad cywir o'ch gweithlu. I ddilysu manylion eich Practis, mae angen i chi fewngofnodi i'r safle — nid oes angen anfon unrhyw beth atom.

Os ydych wedi cyflogi unrhyw staff ychwanegol neu os yw'r staff presennol yn gweithio oriau ychwanegol, cofiwch adlewyrchu hyn yn eu cofnod staff. Os yw staff presennol yn gweithio oriau ychwanegol, cadwch eu horiau dan gontract yr un fath, ond cynyddwch eu horiau gwaith i gynnwys yr oriau ychwanegol y maent wedi'u gweithio ar gyfartaledd yn ystod y Chwarter.

Tystysgrif Nawdd

Y mis diwethaf, gwnaethom dynnu sylw at y gefnogaeth newydd a'r gwaith o ad-dalu arian a gyhoeddwyd ar gyfer Practisiau Meddygon Teulu pe byddent yn dymuno bod yn Noddwyr i feddygon teulu sydd newydd gymhwyso ac y mae angen Tystysgrif Nawdd i weithio yng Nghymru arnynt. Rydym yn falch o weld bod sawl Practis yn manteisio ar y cynnig hwn a'u bod wedi gwneud cais i fod yn noddwyr, a thrwy hynny agor llwybr arall i recriwtio Meddygon Teulu i'w Practisiau.

Os ydych yn Bractis a wnaeth gais i ad-dalu'r costau yn sgil gwneud cais am drwydded Nawdd, gwnewch yn siŵr eich bod yn nodi manylion yr unigolyn yr ydych yn ei noddi yn WNWRS cyn gynted â phosibl, er mwyn sicrhau bod unrhyw ffioedd a godir yn cael eu had-dalu'n brydlon. Defnyddir y data yn WNWRS i ddilysu unrhyw gais am ad-daliad.

[Mae rhagor o fanylion am y Dystysgrif Nawdd ar gael ar ein gwefan](#), neu drwy e-bostio nwssp.certificateofsponsorship@wales.nhs.uk

Sesiynau hyfforddiant Cyfreithiol a Risg

Mae tîm Cyfreithiol a Risg PCGC wedi rhyddhau eu rhaglen hyfforddi ar gyfer yr hydref/gaeaf 2022. Gweler y dolenni isod i archebu eich lle neu cyfeiriwch at yr e-bost a anfonwyd ganddynt yn uniongyrchol atoch yn ddiweddar, sy'n cynnwys gwybodaeth ychwanegol am y cynnwys a siaradwyr gwadd.

[Dydd Mercher 21 Medi 2022 Hyfforddiant Indemniad](#)

[Ymarfer Meddygol Cyffredinol \(GMPI\) Cymru Gyfan:](#)

Problemau meddygol-gyfreithiol y tu allan i'r model Ymarfer Cyffredinol arferol ac o fewn rolau Ymarfer estynedig 12:30 – 13:30 Gweminar gyda sesiwn holi ac ateb

[Dydd Iau 27 Hydref 2022 Hyfforddiant GMPI Cymru Gyfan:](#)

Esgeuluster clinigol, y prawf cyfreithiol a chymhelliant yr hawlydd 12:30 – 13:30 Gweminar gyda sesiwn holi ac ateb

[Dydd Iau 10 Tachwedd 2022 Hyfforddiant GMPI Cymru](#)

[Gyfan:](#)

Camgymeriadau Cyffredin mewn Practisiau Meddygon Teulu 12:30–13:30 Gweminar gyda sesiwn holi ac ateb

Am ragor o wybodaeth, neu os oes gennych unrhyw awgrymiadau ar gyfer pynciau hyfforddi yr hoffech eu gweld yn y dyfodol, cysylltwch â'r tîm drwy anfon e-bost at

GMPI@wales.nhs.uk.

Indemniad Locwm

Mae mynediad at Indemniad Ymarfer Meddygol Cyffredinol (GMPI) yn wahanol ar gyfer staff parhaol a meddygon teulu locwm.

Mae staff parhaol yn cael mynediad at GMPI trwy System Adrodd Genedlaethol y Gweithlu (WNWRS).

Ar gyfer meddygon teulu locwm, dylid eu cynnwys ar y Rhestr Cyflawnwyr Meddygol (MPL) a Chofrestr Meddygon Locwm Cymru Gyfan (AWLR) a chofnodi'r holl sifftiau a weithir ganddynt ar Hwb Locwm Cymru (GP Wales).

[Gweler ein gwefan am ragor o wybodaeth:](#)

